

“16” 11 2022 йил

Самарканд ш. _

“Сув таъминоти ва оқова сув объектлари қурилиши бўйича инжиниринг компанияси” УК Самарканд вилояти ҳудудий бошкармаси, бир томондан Низоми асосида иш юритувчи бошкарма бошлиги С.Зиядуллаев бундан кейин “Буюртмачи” деб номланади ва “Меъморқурилишлойиха” МЧЖ, бундан кейин “Бажарувчи” деб номланади Устав асосида иш юритувчи директор Р.Вахидов бошқа томондан, ушбу шартномани туздилар:

1. Шартноманинг мавзуси

- 1.1. Иштихон тумани «Зарбанд» МФЙ га 1 та сув қудуги казиш ва 1,7 км ичимлик сув тармоқларини тортиш лойиҳа-смета ҳужжатларини (экология, геология, гидрогеология, топо-харита) ишлаб чиқиш.
- 1.2. Буюртмачи кўрсатма беради ва молиялаштиради, бажарувчи ишларни ШНК 1.03.01-16 Корхоналар, биналар ва иншоотларни капитал қуриш учун лойиҳа ҳужжатларини таркиби, ишлаб чиқиш, мувофиқлаштириш ва тасдиқлаш тартиби асосида бажарилишини ўз зиммасига олади ҳамда ШНК 1.03.07-2010 Қурилишда меъморий-техник назорат тўғрисидаги низом талаблари асосида муаллифлик назоратни юритади.
- 1.3. Шартномани бажаришни бир томонлама рад этиш ва шартнома шартларини бир томонлама ўзгартиришга йўл қўйилмайди.
- 1.4. Бажарувчи буюртмачининг ёзма розилигисиз ишнинг бир қисмини, яъни Бажарувчи томонидан олиб борилмайдиган махсус тадқиқот турларини бажариш учун субпудрат шартномасини тузишга ҳақлидир.

II. Тарафларнинг вазифалари.

2.1. Бажарувчи қуйидагиларга мажбурдир:

- 2.1.1. Техник топшириқларга ва бошқа дастлабки маълумотларга мувофиқ ишларни бажариш, буюртмачи билан бажарилган ишлар (босқичлар) натижаларини мувофиқлаштириш, буюртмачига шартнома бўйича бажарилган барча ҳужжатларни топширади.
- 2.1.2. Бажарувчи буюртмачининг розилигисиз учинчи шахсга ушбу шартнома бўйича расмийлаштирилган ҳужжатларни топширишга ҳақли эмас.
- 2.1.3. Бажарувчи ушбу объектда қурилиш – монтаж, таъмирлаш ишлари яқунлангунига қадар муаллифлик назоратини олиб боради ва шу жараёнда асосли бўлган ўзгаришларга белгиланган тартибда ҳужжатлар расмийлаштиради.

2.2. Буюртмачи қуйидагиларга мажбурдир:

- 2.2.1. Иш бошланишидан олдин, бажарувчига ушбу шартнома имзоланган кундан бошлаб 10 кун ичида дастлабки ишлаб чиқилган ҳужжатларни (техник топшириқларни) тақдим этади.
- 2.2.2. Ушбу шартноманинг 3.1 ва 3.2-бандларида назарда тутилган тартиб ва шартларига асосан бажарувчига белгиланган шартнома қийматини тўлайди.
- 2.2.3. Буюртмачи бажарувчига ишларни бажариш учун зарур бўлган қўшимча маълумотларни тақдим этишга мажбурдир.
- 2.2.4. Буюртмачи ишлаб чиқилган ҳужжатлар (лойиҳа-смета ҳужжатлар)ни фақат ушбу объект учун пудратчига топширишга ҳақлидир, лойиҳа-смета ҳужжатларини бошқа ташкилот ва шахсларга беришга фақат буюртмачи ташкилотини розилиги билан амалга оширилади.

III. Шартноманинг қиймати ва тўловларни амалга ошириш тартиби.

- 3.1. Ушбу шартнома бўйича бажарувчи томонидан бажарилган ишлар қиймати 1-илова нархларни келишув баёнига асосан ҚҚС билан, **14 000 000 (ун тўрт миллион) сўм.**
- 3.2. Буюртмачи бажарувчига шартнома умумий қийматининг 30% миқдориди, яъни **4 200 000 (тўрт миллион икки юз минг) сўм** бўнак ўтказишни ўз зиммасига олади.
- 3.3. Бажарувчи икки томонлама шартнома имзолангандан сўнг ишларни бошлайди шундан сўнг шартнома шартлари кучга киради.
- 3.4. Буюртмачи шартнома суммасининг қолган қисмини бажарилган ишлар учун ҳисоб-фактура иккала томон имзолаганидан кейин ва тасдиқланган манзилли дастурга мувофиқ молиялаштиради.

IV. Ишларни етказиб бериш тартиби

- 4.1. Бажарилган ишларни қабул қилиш ва расмийлаштириш техник топшириқ талабларига мувофиқ белгиланади.
- 4.2. Бажарувчи томонидан расмийлаштирилиши ва буюртмачига тақдим этилиши керак бўлган ҳужжатлар рўйхати техник топшириқ билан белгиланади.
- 4.3. Бажарувчи ишларни яқунлагандан сўнг, буюртмачига техник топшириқда назарда тутилган ҳужжатлар тўпламини илова қилган ҳолда ишни топшириш қабул қилиш тўғрисидаги далолатномани тақдим этади.
- 4.4. Ишларни бажариш муддати **14 кун.**
- 4.5. Иш бошлаш вақти - бўнак тушган кунидан бошлаб

Лойиха-смета хужжатларини ишлаб чиқиш учун

КАЛЕНДАР РЕЖА

Объект номи: Иштихон тумани «Зарбанд» МФЙ га 1 та сув кудуги казиш ва 1,7 км ичимлик сув тармоқларини тортиш учун лойиха-смета хужжатларини ишлаб чиқиш

Шартнома бўйича ишнинг номи	Такдим этиладиган хужжатлар	Бажариш муҳлати		Хисобланган нарх	
		Бошланиши	Тугаши	Шартнома суммасидан фоизда	сўм
лойиха-смета хужжатларини ишлаб чиқиш	Техник топшириқга асосан лойиха хужжатлари	Шарнома имзолангандан сўнг ишлар ишларни бошлаш муддати хисобланади	14	2,9	14 000 000

«БУЮРТМАЧИ»

Номи: “Сув таъминоти ва оқова сув объектлари қурилиши бўйича инжиниринг компанияси” УК Самарқанд вилояти ҳудудий бошқармаси

Бошқарма бошлиғи:



С.Зиядуллаев

«БАЖАРУВЧИ»

Номи: “Меъморқурилишлойиха” МЧЖ

Директор:

Р.Х.Вахидов

